



Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Q. 7. Quænam sunt aliæ dispositiones requisitæ in Ministro
Sacramentorum?

urn:nbn:de:hbz:466:1-40834

36 TRACTATUS I.

omitti, aut in novos alios per quemcumque Ecclesiæ Pastorem mutari posse, anathema sit.

Quæst. 6. Est-ne necessarium ad validitatem Sacramentorum, ut is qui ea confert, sit Minister ad id specialiter deputatus?

Resp. Est absolutè necessarium; ait enim Catechismus Concilii Tridentini: Non minus enim Ministrorum Officio, quam materiâ & formâ ad Sacraenta conficienda opus esse, perpetuâ sanctorum Patrum traditione confirmatum est.

Conc. Trid. 7. Can. 10. De Sacr. in genere. *Et Concilium Tridentinum ait: Si quis diffidet Christianos omnes in verbo & omnibus Sacramentis administrandis, habere potestatem, anathema sit.*

Et ratio est, quia cùm Sacraenta non operantur nisi virtute supernaturali, non possunt validè administrari nisi serventur omnia, quæ à Jesu-Christo in eorum institutione præscripta sunt. Unde necessarium est ut is qui illa administrat, receperit ab eo hanc potestatem, & ad id fuerit specialiter deputatus. Videbimus autem agendo de Sacramentis in particuliari, quinam sint Ministri à Deo destinati ad ea conferenda.

Quæst. 7. Quænam sunt aliæ dispositiones requisitæ in Ministro Sacramentorum?

Resp. Præter intentionem quam habere debet faciendi quod facit Ecclesia, administrare ea debet maxima cum devotione interna & externa, ac proinde, ut ait Divus Carolus: Sacramentum aliquod cùm ministrat ut id magna cum religione præstet, singula verba, que ad illius formam rationemque pertinent, omni animi attentione & pietate distinctè pronuntiabit, & clara item voce, ut ab illis assintur quibus ministratur. Sacras item precas-

*D. Carol. aet.
P. 4. De Sa-
ceram. adminis-
tratione,*

De Sacramentis. Cap. VI. 37

tiones sancte graviterque dicet. Solemnes præterea alios ritus ceremoniasque ita decenter observabit, ut veluti ante oculos ponere videatur eximia illa dona, quæ in eo Sacramento continentur.

Ita vero demum in omni Sacramenti administratione se geret, ut non actione solum tota, sed vultu etiam illos qui adsunt incitent ad pietatem & devotionem.

Illudque norit præterea Officii sui esse, & hanc sancta administrandi ratione, & præterea assiduis orationibus & doctrina & omni Sacerdotali industria, fideles sibi commissostales efficere, quibus dignè utiliterque Sacramenta ministrari possint.

Hic autem non erit abs re advertere, quod inter alios Casuistarum errores, seu allucinationes, duas sequentes propositiones damnavit sancta Sedes.

Prima propositio damnata. Non est illici-
tum in Sacramentis conferendis sequi opinio-
nem probabilem de valore Sacramenti, re-
licita tutiore; nisi id vetet lex, conventio aut
periculum gravis damni incurrendi.

Innocent. XII.
in Decreto
contra 65
Propos. die
2. Martii
1679.

Hinc sententia probabili tantum utendum
non est in collatione Baptismi, ordinis Sacer-
dotalis, aut Episcopalis.

29. Propositio. Vrgens metus gravis, est
causa justa Sacramentorum administrationem
simulandi.

